

Siunnersuut Inatsisartut aalajangiiffissaatut siunnersuutigienqartoq, Naalakkersuisut peqquneqassasut periarfissanik misissueqqullugit Peqqinnissaqarfimmi misileraammik aallartitsisinnaaneq pillugu, napparsimasut kræft-ertut nappaammik suussusaannik oqarfigineqarsimasut nassuiaanneqarsimasullu nakorsanik allanik nalilersuiffigiteqqis-sinnaanissaminut, tassa second opinion. Second opinion – isuma alla – taamak pisinnaa-titaaffeqarnerup ilagaa katsorsaatit atorneqarsinanasut Kalaallit Nunaanni aammalu Qallunaat Nunaanni pissarsiassanngitsut pisinnaatitaaffigilersinnaassaannut misissuun-neranissaat, nunami allami katsorsarneqarsinnaanermik misissuiffigienqarsinnaa-lerlutik. Suliamik taamak ittumik piviusunngortitsisinnaanerup misissuiffigisimanera qinnutigaarput saqqumiunneqarsinnaassasoq kingusinnerpaamik UPA2021-mi.

(Inatsisartunut ilaasortaq Tillie Martinussen, Suleqatigiissitsisut)

Akissuteqaat

(Peqqissutsimut Naalakkersuisoq)

Siullermeerneqarnera

Naalakkersuisut Inatsisartunut ilaasortaq Tillie Martinussen – Suleqatigiissitsisut – qutsavigaat, Peqqinnissaqarfimmi aaqqiissummik misileraammik aallartitsisinnaaneq pillugu periarfissanik misissuinissaq pillugu aalajangiiffigisassatut siunnersuummik soqutiginarumik saqqummii-neranut. Napparsimasut Peqqinnissaqarfimmi katsorsartinnerminni sapinngisamik toqqissisi-manissaasa pingaaruteqassusaa pillugu Naalakkersuisut siunnersuuteqartoq isumaqatigaat. Ta-manna ilutigalugu napparsimasunut toqussutaasinnaasumik nappaatilinnut periarfissat pio-reersut kiisalu peqqissutsimut suliassaqarfiup iluani suliniutaasussat pillugit Naalakkersuisut oqaluttuarsinnaanerannut aalajangiiffigisassatut siunnersuuteqartoqarneratigut periarfissiivoq. Kalaallit Nunanni Peqqinnissaqarfiup 2009-mili periarfissaraa Rigshospitalip suleqatigineratigut tapiliutaasunik misissuinernik kiisalu assersuutigalugu misilittaalluni katsorsaanernik neqerooruteqarnissaq. Rigshospitalimi nakorsaaneq katsorsaasusooq, napparsimasooq isumasio-qatigalugu ”Peqqissutsimut aqutsisoqarfiup misilittaalluni katsorsaaneq pillugu immikkut ittumik ilisimasalinnut siunnersuisartunut” siunnersortinnissamik qinnuteqarsinnaavoq. Im-mikkut ittumik ilisimasallit misissorsinnaavaat kiisalu siunnersuutigisinnaallugu Danmarkimi imaluunniit nunami allami misissuinernik imaluunniit katsorsaanernik tapiliutaasunik – ma-tuma ataani misilittaalluni katsorsaanernik – napparsimasup iluaqutigisinnaasaanik peqar-nersoq. Aaqqiissut tamanna siusinnerusukku ”Second opinion”-imik taaneqartarpoq.

Siunnersuisartut katsorsaanernik siunnersuuteqarpata qinnuteqaat kingorna Kalaallit Nunaanni Peqqinnissaqarfiup Tulleriissaarinnermut Ataatsimiititaliaani akuerineqaaqqaassaaq.

Aaqqiissummik atuisinnaanermut periarfissaq 2009-mut Aningaasanut Inatsit aqutigalugu eqqunneqarpoq tassani siunertamut aningaasanik immikkoortitsisoqarpoq. Tamatuma kingorna ukiumi tulluuttuni aningaasaliissutit arlaleriarlutik appartinneqarput atuinikinneq pissutigalugu.

2015-imut Aningaasanut Inatsimmi misilittaalluni katsorsaanermut aningaasaliissutit, nunami allami katsorsartinnernut aningaasaliissutinut sinnerinut katinneqarput.

Taamaalilluni Kalaallit Nunaanni Peqqinnissaqarfik Rigshospitali aqputigalugu aqqiissuus-saqareerpoq, Peqqissutsimut aqutsisoqarfiup ilisimasalinnut siunnersuisartuinut siunnersortin-nissamik periarfissaqarluni.

Aalajangiiffigisassatut siunnersuummi siunnersuuteqartup Danmarkimi ”*second opinion pillugu pisinnaatitaaffik*” assigiinngitsunik arlalinnik ilanngussivoq. Tassunga atatillugu Naalakkersuisut nalilerpaat, pingaaruteqartoq ersarissassallugu Kalaallit Nunaanni Peqqinnis-saqarfiup aammalu Danmarkimi pisortat peqqinnissaqarfiata Peqqissutsimut aqutsisoqarfiup ilisimasallit siunnersuisartut pineqartut atorsinnaagaat. Taamaasilluni napparsimasunut aqqis-suussat assigiipput.

Peqqinnissaqarfimmi immikkoortuni arlalinni Danmarkimi napparsimaveqarfiit peqatigalugit immikkut ilisimasallit suleqatigiinnissamik pilersitsisoqarnikuunera ilisimatitsissutigineqar-sinnaavoq, tassani ilisimasat avitseqatiserineqartarput aamma assersuutigalugu assilisat nalilersorneqartarput. Taassuma saniatigut kræftimik ilisimasallit Danmark-iminngaanneersut akulikitsumik Dronning Ingridip Napparsimavissuani sulisarput, immikkut ilisimasallit napparsimasut nakkutigisarpaat kræfteqarnerullu nalaani suliamik ilisimasat pitsaassusaat qulakkeertarlugu.

Kræfti pillugu suliaasaqarfimmut tunngatillugu, Naalakkersuisut ”Kræfti pillugu pilersaarutip nalilersornera” suliaasaqarfiup iluani suleriaatsimut pioreersumut allannguinnissamut pitsaan-erusumut tunngavisseeqataasinnaasoq ilisimasanik innersuussutinillu nutaanik imaqartoq ataatsimiinnermi matumani saqqummiuttussaavaat. Innersuussutit tunuliaqutaralugit Peqqinnis-saqarfimmi suleriaqqinnissamut iliuusissamik pilersaarusiortoqassaaq.

Naalakkersuisut nalilerpaat Peqqinnissaqarfimmi aqqiissutip atuuttup misiliummik aqqiis-summi siunertaasup aalajangiiffigisassatut siunnersuummi ujartorneqartoq imarereeraa. Tamatuma saniatigut Naalakkersuisut kajumissaarutigerusuppaat, naalakkersuisooqatigiinnis-samut isumaqatigiisummi ersertoq Peqqinnissaq pillugu Ataatsimiititaliarsuaq isumaliuter-summik suliaqarnermini akornuserneqannginnissaa ataqqineqassasoq.

Tamanna tunngavigalugu Naalakkersuisut siunnersuut itigartitsissutigineqassasoq inassutigaa.